

毛詩異文箋卷七

鹽城陳玉樹

歸飛提提

采繁祁祁

七月出車

來假祁祁

先君子曰小弁歸飛提提傳提提羣貌案提提卽祁祁也
七月采繁祁祁出車采繁祁祁元鳥來假祁祁傳箋疏竝
以祁祁爲眾多羣與眾多是一義左傳宣二年提彌明公
羊傳漢書古今人表竝作祁彌明史記晉世家餓人元昧
明也索隱曰鄒誕生音元昧爲祁彌卽左傳之提彌明提
音市移反劉氏亦音祁爲市移反則祁提二字同音也此
提祁字通之證禮記緇衣冬祁寒注祁之言是也是字古
亦讀若提公羊僖十六年傳是月釋文是一音大兮反讀

提爲祁與段祁爲是同

莫浚匪泉 濬哲維商

莫浚匪泉傳浚深也長發濬哲維商傳濬深也案說文水部浚抒也谷部容深通川也从占谷虞書容畎澮距川或作濬古文作濬小弁浚借字長發濬正字孟子浚井春秋浚洙皆濬之段字虞書濬畎澮距川史記夏本紀濬作浚易恆初六浚恆貞凶釋文浚荀潤反深也鄭作濬玉篇水部浚思閏切深也濬同濬古文一切經音義四浚古文濬濬二形今作浚

僭始旣涵

譖言則遄

彼譖人者

謀欲譖人

謀

欲諧言取彼諧人

巧言僭始既涵傳僭數案僭乃諧之段音數乃愬之段音
說文言部諧愬也釋文僭毛側蔭反側蔭卽諧音一切經
音義五引詩作諧始既涵呂氏讀詩記亦作諧僭與諧古
字通用雨無正諧言則邊巷伯彼諧人者謀欲諧人謀欲
諧言取彼諧人皆諧愬之諧

僭始既涵

實函斯涵

載芟
良耜

克咸厥功

僭始既涵傳涵容也案毛謂涵爲函之段借也載芟實函
斯涵良耜實函斯涵箋竝訓函爲含正義曰函者容藏之
義禮記曲禮席間函丈注函容也說文水部涵水澤多也

从水函聲涵濡爲本義涵容爲借義箋云涵同也鄭以涵爲咸之段借故釋文云涵鄭音咸闕宮克咸厥功箋咸同也周禮伊耆氏其其杖咸鄭注云咸讀爲函史記司馬相如傳上咸五下登三徐廣曰咸一作函天官書閒可械劍集解引蘇林曰械音函容也漢書天文志集注引蘇林曰械音函文苑英華六百九于公異代行在起居表少異咸秦之氣唐類表作函秦是涵咸字通之證釋文引韓詩涵作減減卽是咸字周禮臬氏注釋文咸本又作減史記酷吏減宣漢書百官公卿表作咸宣是其證

秩秩大猷 君子有徽猷 克壯其猶 無相猶矣

謀猶回遘 我視謀猶 不我告猶 哀哉爲猶 匪

大猶是經 爲猶不遠 遠猶辰告 繼猶判渙

秩秩大猷傳猷道也角弓君子有徽猷箋同采芑克壯其
猶斯千無相猶矣小顓不我告猶匪大猶是經版爲猶不
遠抑遠猶辰告訪落繼猶判渙傳竝曰猶道也小顓謀猶
回遘我視謀猶箋竝訓猶爲道哀哉爲猶正義申毛訓猶
爲道案毛詩猶字二十二見猷字二見猷左酋右犬猶左
犬右酋實一字玉篇云猷與猶同廣韻十八尤猷重文作
猶說文有猶無猷克壯其猶玉篇士部文選馬汧督誅注
猶作猷謀猶回遘文選西征賦注引韓詩猶作猷遠猶辰

告韓詩外傳猶作猷小星實命不猶陟岵猶來無棄釋言
注猶竝作猷白華之子不猶傳猶可也正義曰猶可釋言
文今釋言猶作猷常武王猶允塞傳猶謀也正義曰猶謀
釋詁文今釋詁猶作猷文選張華女史箴注引毛詩王猷
允塞云猷與猶古字通荀子君道篇韓詩外傳竝作王猷
允塞訪落箋般箋竝曰猶圖也正義曰猶圖釋言文今釋
言猶作猷蕩猶之未遠列女傳楚江乙母傳猶作猷書般
庚汝分猷念以相從漢石經猷作猶范式碑邁德徽猶卽
徽猷袁良碑平仲小國之卿其儉猷稱猶作猷

聖人莫之

訐謨定命

聖人莫之傳莫謨也釋文莫如字又作漠同一本作謨大雅抑訐謨定命傳謨謨也釋文謨本亦作漠爾雅釋詁漠謨謨也案說文艸部𦵏日且冥也水部漠北方流沙也言部謨議謨也莫漠訓謨竝謨之段借說文謨从莫聲唐韻正十九鐸莫平聲則音謨聖人莫之其字爲莫其音爲謨字作謨則非毛詩古本莫讀如字亦非毛詩古音漢書敘傳謨先聖之大繇集注引詩聖人謨之莫讀謨亦與作度獲韻作音詛度如字獲音護

居河之麋 在水之湄

居河之麋傳水草交謂之麋正義曰釋水文今釋水作湄

秦風蒹葭在水之湄傳湄水隈也正義曰釋水云水草交
曰湄謂水草交際之處水之岸也案湄正字麋借字故釋
文云麋本又作湄音眉左氏襄十四年傳注引詩居河之
麋釋文麋本又作湄爾雅釋水注文選別賦注爲宋公至
洛陽謁五陵表注奏彈曹景宗注引詩竝作居河之湄魏
都賦注琴賦注引毛詩傳水草交曰湄左氏僖二十八年
傳余賜女孟諸之麋正義曰釋水云水草交曰湄古字通
用故此作麋耳先君子曰春秋莊二十八年左氏經築鄆
公羊作微釋文云左氏作麋爾雅釋鳥麋鵠釋文麋字林
作鵠前秦錄苻雙以上邽叛乘勝至榆眉晉書姚弋仲載

記東徙榆眉榆眉卽漢志右扶風隃麋山海經中山經大
𡵚之山多麋玉郝氏箋疏謂卽瑄玉儀禮士冠禮眉壽萬
年注古文眉作麋大戴禮孔子愀然揚麋注麋一作眉考
工記梓人注衡謂麋衡也正義麋卽眉也荀子非相篇伊
尹之狀無須麋注麋與眉同漢書王莽傳赤麋聞之師古
曰麋眉也古字通麋之通作眉亦猶麋之通作眉鵲瑄鄒
矣玉篇廣韻有灤字爲眉之重文此不明段借者所妄造
與爾雅音義所載𡵚眉等字竝俗體

不愧于人

尙不愧于屋漏

何人斯不愧于人釋文作媿云本又作愧正義作愧唐石

經及宋本竝同抑尙不媿于屋漏唐石經及釋文正義竝作媿宋本作愧禮記中庸引作愧釋文愧本又作媿案說文女部媿慙也重文作愧玉篇心部愧重文作媿廣韻六至媿重文作愧聰媿三形禮記聘義所以愧厲之也釋文作媿云本又作愧漢書文帝紀贊更加賞賜以媿其心師古曰媿古愧字龔遂傳郎中令善媿人師古曰媿古愧字愧辱也爾雅釋言注釋文愧九位反本亦作媿左氏襄二十七年傳無愧辭釋文愧作媿

亦不遑舍 不舒究之

亦不遑舍舍與車盱韻乃舒之段音箋以舍爲舍息小弁

不舒究之疏以舒爲安舒息與安是一義公羊春秋哀六年陳乞弑其君舍釋文舍二傳作茶音舒史記麻書舍者日月所舍舍者舒氣也楚辭懷沙舒憂娛哀兮史記屈賈列傳作舍憂虞哀兮是舒與舍古通用

宋魏了翁曰六經凡舍皆音暑平讀

則音舒元熊朋來曰舍非但與車野協音作舒便合讀作舒

俾我祇也 祇自底兮 俾我底兮

俾我祇也傳祇病也釋文祇祈支反案祇本地祇毛云病者謂祇爲底之段借也祇與底皆从氏聲故相通借說文尸部底病不翅也無將大車祇自底兮白華俾我底兮傳竝曰底病也易復卦无祇悔鄭注祇病也亦謂段借白華

釋文底都禮反無將大車釋文底徐都禮反又祈支反玉篇疒部底渠支丁禮二切案底从氏聲非从氐聲不應讀丁禮切廣韻五支巨支切紐內祇底竝出十二薺都禮切紐內不收底字足以謾正徐仙民顧希馮之誤底果讀都禮切與祇音遠無繇相段觀毛之讀祇爲底則底當音祈支反明矣爾雅釋詁底病也釋文底祇支反或丁禮反誤與詩音義同

捷捷幡幡

不思其反

四矢反兮

福祿來反

巷伯捷捷幡幡傳幡幡猶翩翩也案上章傳云翩翩往來兒幡幡猶翩翩則亦當爲往來兒矣說文巾部幡書兒拭觚

布也幡無往來意當爲反之借字氓不思其反猗嗟四矢反兮執競福祿來反傳箋竝曰反復也反復卽是往來說文復往來也漢書食貨志杜周治之獄少反者蘇林曰反音幡師古曰幡謂从輕而出雋不疑傳其母輒問不疑有所平反活幾何人如淳曰反音幡谷永傳反除白皐師古曰反讀曰幡此幡反字通之證孟子旣而幡然改曰注幡反也趙氏蓋讀幡爲反音義云幡張云與翻同說文無翻翻俗字幡借字反正字荀子彊國篇云反然舉惡桀紂而貴湯武注云反音翻翻然改變兒反然卽孟子之幡然矣賓之初筵威儀幡幡傳幡幡失威儀也幡幡亦當爲往來

兒往來無定則輕脫失儀舍其坐遷則往來之狀可想瓠
葉傳幡幡瓠葉貌幡當讀若偏其反而之反

勞人草草 勞心慄慄

勞人草草傳草草勞心也箋云草草者憂將妄得罪也案
草乃慄之段借玉海補遺作勞人慄慄陳風月出勞心慄
兮傳箋无釋釋文慄慄也廣雅釋訓慄慄慄也曹憲云慄
音草爾雅釋訓慄慄勞也釋文慄郭騷草肅三音邢昺疏
引詩勞人草草勞心慄兮言慄草音義同玉篇心部慄蘇
勞切慄心也愁也又音草說文慄从蚤聲草从早聲幽風
七月四之日其蚤正義及禮記王制注蚤竝作早儀禮士

相見禮問日之早晏注古文早作蚤漢書文帝紀有司請蚤建太子注蚤古以爲早晚字也彭越傳而君王不蚤定師古曰蚤古早字早蚤字通故早聲蚤聲之字亦通廣韻怪爲燥之重文與草同在采老切紐內說文玉篇皆不以怪燥爲一字未知廣韻何據

母兮鞠我 載生載育 帝命率育

蓼莪母兮鞠我傳鞠養也詩經小學云鞠亦當爲鞠鞠爲窮亦爲養相反而成猶治亂曰亂也案此說非也鞠乃育之段借釋詁育養也生民載生載育箋云後則生子而長養正義曰旣生之則長養之思文帝命率育箋云育養也